

# **OKVIRNI SPORAZUM**

## **o pružanju usluga iznajmljivanja prostora za smještaj repetitora i linkovskih uređaja sa pripadajućom opremom i održavanja radio komunikacijske i informacijske opreme**

### **I SPORAZUMNE STRANE**

1. **Kantonalna uprave civilne zaštite Kantona Sarajevo**, ul. Hamida Dizdara br. 1., Sarajevo, koju zastupa direktor, mr. Mustafa Kovač, ID broj: 4200665390008 (u daljnjem tekstu: **Naručilac**), i
2. **MIBO Komunikacije d.o.o. Sarajevo**, ul. Tvornička br. 3., Sarajevo, kojeg zastupa direktor, Marko Boštjančič, ID broj: 4200470540005 (u daljnjem tekstu: **Izvršilac**),

U daljnjem tekstu Okvirnog sporazma, kada se Naručilac i Izvršilac navode zajednički, tj. zbirno, tada su označeni kao „**Sporazumne strane**“.

### **II OSNOV ZA ZAKLJUČENJE OKVIRNOG SPORAZUMA**

Osnov za zaključenje ovog Okvirnog sporazuma je Odluka o izboru najpovoljnijeg ponuđača, Naručioca broj: 22-44-823-8/17 od 10.05.2017. godine.

### **III PREDMET OKVIRNOG SPORAZUMA**

#### **Član 1.**

Predmet ovog Okvirnog sporazuma je nabavka usluga iznajmljivanja prostora za smještaj repetitora i linkovskih uređaja sa pripadajućom opremom i održavanja radio komunikacijske i informacijske opreme za potrebe Kantonalne uprave civilne zaštite Kantona Sarajevo, prema Tehničkim specifikacijama, koje su navedene u Konkurentskom zahtjevu za dostavu ponudu Naručioca, broj: 22-44-823-2/17 od 27.04.2017. godine, kao i u Ponudi Izvršioca, br. 770-17 od 09.05.2017. godine, koje čine sastavni dio ovog Okvirnog sporazuma.

Okvirni sporazum se zaključuje na period od 2 (dvije) kalendarske godine, a primjenjivat će se od 01.06.2017. godine do 31.05.2019. godine.

#### **Član 2.**

Izvršilac se obavezuje da će usluge navedene u članu 1. ovog Okvirnog sporazuma, pružati u svemu prema uslovima postavljenim u Tehničkim specifikacijama Naručioca i svoj Ponudi br. 770-17 od 09.05.2017. godine, koja čini sastavni dio Okvirnog sporazuma, kao i u skladu sa važećim sa tehničkim propisima, pravilima i standardima.

### **IV CIJENA I NAČIN PLAĆANJA**

#### **Član 3.**

Ukupna cijena za usluge navedene u članu 1. ovog Okvirnog sporazuma iznosi: 39.312,00 KM (slovima: tridesetdevehiljadatristotinedvanaest konvertibilnih markaka).

U ukupnu cijenu iz stava 1. ovog člana, uračunat je PDV.

Cijena za usluge navedene u članu 1. ovog Okvirnog sporazuma je fiksna i ne podliježe nikakvim promjenama za vrijeme trajanja Okvirnog sporazuma.

#### **Član 4.**

Sporazumne strane su saglasne da će Naručilac predmetne usluge u skladu sa Ponudom Izvršioca, platiti na račun Izvršioca broj: 1401020011330457 otvoren kod SBERBANK BH d.d. i to plaćanjem u jednakim mjesečnim ratama putem privremenih mjesečnih situacija – faktura (računa) u roku od 10 (deset) dana od dana dostave privremenih mjesečnih situacija Naručiocu.

Izvršilac je saglasan da Naručiocu neće zaračunavati zatezne kamate za zakašnjenje pri plaćanju preko „Trezora“, ako je Naručilac u ugovorenom roku predao nalog za plaćanje, a Izvršilac primio uplatu s odgodom od jednog ili više dana od ugovorenog roka iz stava 1. ovog člana.

### **V OBAVEZE IZVRŠIOCA I NARUČIOCA**

#### **Član 5.**

Izvršilac se obavezuje:

- da će premetne usluge pružati savjesno, u skladu sa kvalitetom zahtijevanim Tehničkim specifikacijama Naručioca i važećim zakonskim propisima, normativima i standardima za ovu vrstu usluga;
- da će radio repetitori motorola SLR5500 sa pripadajućom opremom biti kontinuirano napajani sa električnom energijom i to putem postojeće elektroenergetske mreže ili rezervnim napajanjem putem akumulatorske baterije;
- da će uz predhodnu najavu i u dogovorenom terminu omogućiti ovlaštenim licima Naručioca, pristup opremi koja je smještena na radio relejnim (RR) objektima Bjelašnica i Orlić;
- da će odmah obavijestiti Naručioca ako dođe do eventualne štete pričinjene ratom, prirodnim i drugim nesrećama na opremi ili do otuđenja bilo kojeg dijela opreme koja je smještena na radio relejnim (RR) objektima Bjelašnica i Orlić;
- da će u servisu osigurati stalno dežurstvo 24 sata dnevno, 365 dana u godini (24/7/365) za prijavu kvara i na vrijeme dostaviti Kantonalnom operativnom centru civilne zaštite i Dispečerskom centru PVJ Kantona Sarajevo kontakt telefon i e-mail adresu dežurnog servisera;
- da će njegov servis u vremenskom periodu od najviše dva sata od vremena prijave kvara od strane ovlaštenih lica Naručioca izaći na teren i pristupiti otklanjanju kvara na opremi koja je navedena u Tehničkim specifikacijama Naručioca u toku trajanja ovog Okvirnog sporazuma;
- da će u toku trajanja ovog Okvirnog sporazuma svaki kvar na opremi koja je navedena u Tehničkim specifikacijama Naručioca otkloniti u najkraćem mogućem roku;
- da će za svaku intervenciju i obavljeni servis sačiniti odgovarajući zapisnik i dostaviti ga Naručiocu;
- da će u toku trajanja ovog Okvirnog sporazuma uvijek na zalihama imati određen broj zamjenske opreme i rezervnih dijelova;

- da će u skladu sa članom 4. ovog Okvirnog sporazuma, dostaviti Naručiocu privremene situacije – fakture (račune) na plaćanje;
- da će odmah obavijestiti Naručioca ako dođe do veće šetete na opremi koja je navedena u Tehničkim specifikacijama Naručioca za čiji popravak ili zamijenu su potrebna dodatna finansijska sredstva.

#### **Član 6.**

Naručilac se obavezuje:

- da će u slučaju da se predmetne usluga ne vrše u skladu odredbama ovog Okvirnog sporazuma, o tome pismeno obavijesti Izvršioca;
- da će ukoliko ima potrebu pristupa svojoj opremi koja je smještena na radio relejnim (RR) objektima Bjelašnica i Orlić, istu blagovremeno najaviti Izvršiocu usmeno, putem telefona na broj 033/779-360 ili pismeno putem faksa na broj 033/627-531 ili putem elektronske pošte na e-mail mibo@mibo.ba;
- da će Izvršiocu dostaviti kontakt telefone i e-mail adrese dežurnih operativaca-dispečera u Kantonalnom operativnom centru civilne zaštite i Dispečerskom centru PVJ Kantona Sarajevo
- da će izvršiti uplatu ukupne cijene vrijednosti ugovorene roba iz člana 3. ovog Okvirnog sporazuma, na način i u roku utvrđenom u članu 4. ovog Okvirnog sporazuma.

#### **Član 7.**

Sporazumne strane su saglasne, da nijedna od njih neće snositi nikakvu odgovornost, niti troškove za eventualnu štetu pričinjenu ratom, prirodnim i drugim nesrećama koje nisu uslovljene ili izazvane njihovom krivnjom na opremi koja je smještena na radio relejnim (RR) objektima Bjelašnica i Orlić, niti za bilo kakvu štetu na navedenoj opremi, uzrokovanu događajima i okolnostima na koje sporazumne strane nisu imali nikakav uticaj.

#### **Član 8.**

Sporazumne strane su saglasne, da će se za dodatne usluge za kojima bude iskazana potreba da se hitno pruže (usluge ugradnje rezervnih dijelova i ugradnja nove opreme u slučaju većih šteta – kvarova koje mogu nastati uslijed rata, prirodnih i drugih nesreća, kao i drugih nepredviđenih okolnosti), a koje nisu obuhvaćene ovim Okvirnim sporazumom uz pismenu suglasnost sklopiti aneks Okvirnog sporazuma.

## **VI IZMJENA ODREDBI OKVIRNOG SPORAZUMA I NJEGOV RASKID**

#### **Član 9.**

Izmjene i dopune ovog Okvirnog sporazuma mogu se vršiti isključivo u formi aneksa uz pismenu saglasnost obje sporazumne strane, koji kao takav dokument čini sastavni dio ovog Okvirnog sporazuma.

#### **Član 10.**

Ovaj Okvirni sporazum može se raskinuti sporazumno ili po zahtjevu jedne od sporazumnih strana, ako su nastali bitni razlozi za raskid Okvirnog sporazuma.

## Član 11.

Ako dođe do sporazumnog raskida ovog Okvirnog sporazuma, sporazumne strane sporazumom o raskidu utvrđuju prava i obaveze koje proističu iz raskida Okvirnog sporazuma.

Obavještenje o jednostranom raskidu ovog Okvirnog sporazuma mora se dostaviti drugoj sporazumnoj strani isključivo u pismenom obliku najmanje 30 dana unaprijed i obavezno navesti po kom osnovu se raskida Okvirni sporazum.

## VII PRIJELAZNE I ZAVRŠNE ODREDBE

### Član 12.

Na sva pitanja koja nisu regulisana ovim Okvirnim sporazumom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

### Član 13.

Sporazumne strane su saglasne da će sve nesuglasice i sporove, koji eventualno mogu da proisteknu iz ovog Okvirnog sporazuma, prvenstveno nastojati riješiti sporazumno, a ukoliko, iz ma kog razloga, to ne budu moguće, nadležan je Općinski sud u Sarajevu.

### Član 14.

Ovaj Okvirni sporazum stupa na snagu danom njegovog potpisivanja od strane ovlaštenih predstavnika Naručioca i Izvršioca i isti će se primjenjivati do izvršenja svih pojedinačnih obaveza predviđenih ovim Okvirnim sporazumom.

### Član 15.

Sastavni dio ovog Okvirnog sporazuma je Ponuda Izvršioca, broj: 770-17 od 09.05.2017. godine.

### Član 16.

Okvirni sporazum je sačinjen u 6 (šest) istovjetna primjerka, od kojih svaka od sporazumnih strana zadržava po 3 (tri) potpisana i ovjerenja primjerka.

**ZA IZVŠIOCA**

**Direktor**

**Marko Boštjančič**



Broj: 125-17

Sarajevo, 23.05.2017. godine

**ZA NARUČIOCA**

**Direktor**

**mr. Mustafa Kovač**

M.P. 

Broj: 22-44-823-12/17

Sarajevo, 23.05.2017. godine